

SUPERINFO

20.000 Besplatnih primjeraka

1.BH. BESPLATNE NOVINE Petak, 3. septembar 2010 / broj 94

tel. 061 788 088, 063 992 100 www.superinfo.ba

TEHНОMAX FISKALNE KASE

Kupovinom fiskalne kase niste rješili sve probleme!
ZAŠTO ODABRATI NAS ?

Najbolja ponuda fiskalnih uređaja - sve na jednom mjestu!

Imamo obezbjeđene ugovore s svim važnijim proizvođačima fiskalnih uređaja te Vam time nudimo sve na jednom mjestu uz mogućnost kupovine na rate, a svu proceduru nabavke uređaja završavate samo jednom posjetom našem salonu



**SVE
NA JEDNOM MJESTU**
INFORMACIJE I SAVJETI
PRODAJA I SERVIS
TEHNIČKA PODRŠKA
KUPOVINA NA RATE
442 442
info@tehnamax.ba

Kvalifikovano prodajno i servisno osoblje!

Za Vas smo pripremili poseban prostor u našem salonu gdje ćemo rado odgovoriti na sva Vaša pitanja, dati Vam savjete i prijedloge vezano za fiskalizaciju a naše dugogodišnje iskustvo u ovom poslu Vam garantuje najbolju tehničku podršku i servis

Besplatna implementacija propisanih procedura!
Zakonom o fiskalnim sistemima propisane su određene procedure koje ste Vi, kao poreski obveznik, dužni izvršiti prilikom nabavke fiskalnog uređaja. U Vaše ime, mi preuzimamo obavezu izvršavanja propisanih procedura

Direktni telefon za informacije o fiskalizaciji 442 442
Pozovite nas i zakažite termin za prezentaciju naših rješenja

Pozivamo Vas da nas posjetite u našem prodajnom salonu u Titovoj ulici gdje ćemo Vam pružiti sve informacije vezano za proces fiskalizacije u FBiH



jutarnja 11°C
dnevna do 24°C



jutarnja 12°C
dnevna do 24°C



jutarnja 13°C
dnevna do 22°C



jutarnja 15°C
dnevna do 20°C

**DONOSIMO
DOBRE VIJESTI
NA VAŠ KUDNI PRAG**



STAMBENI KREDITI SA AKCIJSKOM KAMATOM 6,8%!!!
 Saradjnjom agencije za promet nekretnina "BRANELI" i "SPARKASSE BANK" otvara Vam se mogućnost kupovine nekretnina u agenciji BRANELI po najpovoljnijim uslovima uz najniže kamatne stope!



Parcela + 2 kuće, centar.
Cijena 100.000 KM



Kuća, lokacija RAVAN,
 iznad Pravoslavne crkve.
Cijena 30.000 €



Crkvice, sprat 4.
1.200 KM/m²



Stan Centar, Jalija, 52 m², sprat 4,
 odmah useljivo, **1.250 KM/m²**



Stan u Jabuci, 88 m²,
 sa namještajem, **1000 €/m²**



Kuća, Drivuša, prizemlje, 1 sprat
 i potkrovле + garaža, 400 m²
 okućnice. **Cijena 62.000 KM**



Stan u centru, 71 m², 2. sprat.
Cijena 100.000 KM



Stan novogradnja.
Cijena 1.450 KM /m² (uključen PDV)



Kuća Drivuša + 1800 m² zemljišta.
Cijena 60.000 KM



Poslovni prostor "JABUKA" 30 m².
Cijena 75.000 KM



EXKLUSIVNO!
Zemljište u centru grada.
Cijena 100 KM/m²



Kuća Vitez, centar, sa posl.
 prostorom i garažom, **80.000 KM**

PARCELE OD 500 m² IZNAD BAZENA. CIJENA 50 KM/m²

PARCELE 1.900 I 1.500 m² U DRIVUŠI KOD SILOSA (POSLOVNA ZONA) CIJENA 15 KM/m²

PARCELE U TROKUĆAMA 4.000 I 5.000 m². **CIJENA 5 KM/m²**



Stan 44 m², sprat 2.
Cijena 58.000 KM



Stan u Lameli kod "INTERA",
 sprat 9, kompletno renoviran,
 pogled na stadion.
Cijena 1.350 KM/m²



Blatuša, 56 m², sprat 4.
Cijena 1.150 KM/m²



"JABUKA" Novogradnja 60 m².
Cijena 96.000 KM



Kuća u Tetovu. 16 X 10,
 garaža 10 x 5, okućnica 1000 m².
Cijena 200.000 KM



Travnička, 1. sprat, 86 m².
Cijena 1.100 KM/m²

"BRANELI" d.o.o. Zenica je smještena u samom centru grada Zenice, u Ulici Masarykova 33 (Preko puta BH Pošte). Agenciju sačinjava tim od tri stalno uposlena agenta, četiri saradnika, pravnik te finansijski savjetnik, a glavna preokupacija je posredovanje i usluge u prodaji nekretnina na području grada Zenice.



INTERVIEW SEDMICE
FAHRUDIN OMERHODŽIĆ,
 ministar privrede ZDK-a

SUPER Čini se da je protekli period u dobroj mjeri protekao u znaku brojnih programa subvencioniranja ovdašnjih firmi sa ciljem da se poduzetnicima olakša privređivanje. Kakva je vaša ocjena ovih aktivnosti i koliko je urađeno?

Za program subvencioniranja, Kanton planira i ove godine uložiti znatna finansijska sredstva – 2.278.795 KM. Je li to dovoljno finansijskih sredstava za provedbu čitavog programa? Nadam se da nije! Neobičan odgovor, ali to znači da se u tom slučaju dešavaju značajne privredne aktivnosti u odnosu na prethodne godine i da je nivo investiranja na području ZDK-a u trendu rasta. U prošle tri godine, kroz programe utroška sredstava ministarstva privrede, plasirana su poticajna sredstva u iznosu od cca 7 mil. KM, ali privrednici smatraju da bi ta sredstva svakako trebala biti veća. Urađeno je dosta, međutim ovo je posao koji treba svakodnevno dograđivati, proširivati i pratiti. Na osnovu dosadašnjih iskustava, te zbog veličine problema nezaposlenosti u ZDK-u, potrebno je barem na neko vrijeme povećati sredstva koja se ulažu u zapošljavanje. Krajnji cilj nam je da poboljšamo konkurentnu sposobnost privrednih subjekata na tržištu i da stimuliramo zapošljavanje, pa smo u sklopu Vladinih aktivnosti, realizirali ili ćemo tek realizirati niz projekata u tom pravcu.

SUPER Kakva su vaša iskustva kada je u pitanju konkurentna sposobnost privrednih subjekata u ZDK-u? Čine li same firme dovoljne napore da podignu njen nivo?

Slabija pozicioniranost privrednih subjekata ZDK-a na tržištu je, između ostalog, posljedica nedostatka međunarodne konkurentnosti. Konkurenčnost je nešto sa čime se potrebno pozabaviti svakodnevno, kako na državnom nivou, tako i na nivou privrednih subjekata. Inače, većina industrijskih sektora je širenjem računarske i informatičke tehnologije promijenila proizvodni proces, povećavajući zaposlenost visokokvalificiranih u odnosu na nisko-

U periodu 2007-2010 Ministarstvo privrede ZDK je realiziralo i realizirat će sljedeće poticaje: preuzimanje obaveza privatiziranih preduzeća, subvencioniranje administrativnih troškova kod izgradnje proizvodnih objekata, regresiranje kamata na investicijske kredite, subvencioniranje uvođenja međunarodnih standarda za upravljanje kvalitetom, subvencioniranje administrativnih troškova i investicija kod obrta, subvencioniranje povećanja iskorištenja kapaciteta u hotelima, subvencioniranje inovatorstva, podrška poduzetništvu za promociju i nastupe na sajmovima, program afirmacije domaće proizvodnje, kupoprodaje i turizma, program finansiranja manifestacija izdavačkih projekata i edukacija, sufinsaniranje rada agencija, udruženja i asocijacija privrednika Zeničko – dobojskog kantona, priprema i opremanje industrijskih/poslovnih zona te poboljšanje infrastrukture u lokalnim zajednicama u kojima je izražen uticaj rada koncesionara.

Stimuliramo zapošljavanje na svakom koraku



kvalificirane radnike. I certifikacija kvaliteta je sve značajnije sredstvo rada na konkurentnim, odnosno globaliziranim tržištima. Za period od prethodne tri godine ministarstvo privrede je subvencioniralo uvođenje i certifikaciju međunarodnih standarda za upravljanje kvalitetom u 121 privrednom subjektu na području ZDK, što govori o ozbiljnog pristupu podizanja vlastite konkurentnosti i problematici domaćih privrednih društava.

SUPER Kakva je situacija kada su u pitanju preduzeća sa državnim kapitalom u našem Kantonu? Koliko neriješen status i problemi u nekim od njih predstavljaju problem ili balast za cijelu privrodu u Kantonu?

U BiH, kao i u ostalim bivšim zemljama socijalizma, administrativne službe su bile glomazne, inovativnost mala, a preduzeća su pored poslovnih aktivnosti imala elemente socijalne funkcije, pa se višak radnika nije otpuštao, nego se povećavao i prikrivao broj nezaposlenih, drugim riječima stvarao se tehnološki višak. Iz tog su proizašli osnovni

problemi vezani za tranziciju, a privatni sektor nije mogao nadoknaditi gubitak radnih mesta u državnom sektoru. Dok je u drugim zemljama u tranziciji veći dio nezaposlenih apsorbiran kroz samozapošljavanje, u BiH je zbog visoke cijene kapitala i cijene rada i poreznih opterećenja taj segment podbacio. Nezaposlenost se najviše povezuje s propalim preduzećima, promašenom privatizacijom i neučinkovitim privatnim sektorm te radom u sivoj ekonomiji. Inače, neriješen status i problemi u nekim preduzećima sa većinskim državnim kapitalom predstavljaju problem ili balast, ali ne mogu u znatnijem stepenu uticati na cijelu privrodu u Kantonu.

SUPER S obzirom na ekonomsku krizu, kakvo je interesovanje investitora za saradnju sa našim kompanijama i pokretanje novih privrednih i proizvodnih programa na području ZDK?

Zeničko-dobojski kanton ima senzibilnu i otvorenu privrodu, koja pokretače svog rasta i razvoja traži u konkurentnoj prozvodnji i izvozu. Budući da je za rješavanje nezaposlenosti nužan privredni razvoj, neophodno je privlačenje ulagača - stranih ili domaćih. Interes za investiranje postoji, no naravno da je on u funkciji trenutačne situacije. Svi pomalo osluškuju razvoj situacije i traže najpogodniji trenutak, sa minimumom rizika za plasman svoje investicije.

SUPER Kakvo je vaše mišljenje o periodu koji je pred nama, kada je u pitanju poslovanje i privređivanje? Koji su glavni izazovi koji će biti pred privrednicima, ali i pred nadležnim domaćim institucijama?

Trajanje i intenzitet globalne ekonomske krize zaista je teško predvidjeti u vremenu koje je pred nama. Kao rješenja u fazi prevazilaženja aktualne situacije, pojedine zemlje uvode restriktivne mjere i/ili stimuliraju povećanu potrošnju, odnosno kreiraju različita subvencioniranja proizvodnje. Finansijska sredstva je neophodno na različite načine staviti na raspolaganje privrednicima i njihovim privrednim aktivnostima kroz različite projekte. Smatram da su za konačno rješenje nezaposlenosti ključni investiranje i izvoz, budući da se porast zapošljavanja ne može ostvariti samo unutar domaćeg tržišta. Za izvoz je važno povećanje proizvodnje kvalitetne i prepoznatljive robe, te pronađenje vanjskih tržišta na koje će se ona slati, dok je za stvaranje kvalitetnih proizvoda nužno ulaganje u tehnologiju, jer u današnjim vremenima nakon samo nekoliko godina dolaze nova tehnološka rješenja.



Udjepšajte svoj svijet

Prve zeničke brigade br. 3 (Babina Rijeka, pored Monte Carla), Tel: 061/769-308, 063/292-094

Pored redovnih frizersko-kozmetičkih usluga, nudimo i usluge PERMANENTNOG MAKE-UP-a:

Obrve	350,00 KM
Kontura usne	350,00 KM
Popunjavanje usana	500,00 KM
Oči - gornja linija	250,00 KM
Oči - donja linija	200,00 KM
Oči - obje linije	400,00 KM



Iz usluge laserskog uklanjanja dlačica (IPL), izdvajamo:

Noge do koljena	600,00 KM
Noge kompletno	800,00 KM
Nadusnice	100,00 KM
Pazuh	300,00 KM
Bikini zona	250,00 KM

Nudimo i Poklon bonove za vaše najmilije

Dan Općine Visoko

Pored svečane sjednice, 29. august, Dan Općine Visoko, obilježen je i obilaskom mosta u izgradnji preko rijeke Fojnice u naselju Prijeko te radova na izgradnji kolektora na lokalitetu Ada, također na rijeci Fojnici. Položeno je i cvijeće na Spomen-kosturnici borcima NOAR-a i na Spomen-obilježju šehidima i poginulim borcima. Svečani program



nastavljen je sportskim događajem – Turnir „Visoko 2010“, u organizaciji Streličkog kluba Visoko na streljuštu Osijela.

Obnova povratničkih kuća

Općinski načelnik Fuad Šišić i Ministar za ljudska prava i izbjeglice Safet Halilović danas su uručili ključeve za pet obnovljenih povratničkih kuća na području općine Tešanj. Radi se o dvije kuće koje su rađene iznova i tri rekonstruisane. Za obnovu ovih kuća, iz Fonda za povratak, Ministarstvo za ljudska prava i izbjeglice BiH izdvojilo je 100 hiljada maraka, dok je Općina



Tešanj sredstvima iz budžeta finansirala troškove objave javnog poziva, projektovanje i reviziju projekata, kao i troškove nadzora.

Ugovori sa MDP-om

Centar za menadžment, razvoj i planiranje Dobojski koji implementira projekt razvoja opština na Dobojskoj regiji, a koji finansijski podržava Švicarska organizacija za razvoj i saradnju SDC, otpočeo je implementaciju projekta direktne budžetske podrške mjesnim zajednicama u partner opštinama. Tako su načelnici Dobojskog Istoka, Dobojskog Juga i Petrova, te menadžer projekta i izvršni direktor MDP-a potpisali Anexe ugovora za podršku projektima koji su došli iz mjesnih zajednica ove tri opštine. Učešće u finansiranju lokalnih zajednica je deset posto od ukupne cijene. Što se tiče projekata



mjesnih zajednica Općine Dobojski Jug, MZ Matuzić je kandidirala asfaltiranje platoa ispred velike sale Doma kulture u Matuzićima i renoviranje ulaza sa stubištem na zgradi gdje je sala Općinskog vijeća, kancelarija MZ, Udruženja privrednika i prostorije KUD-a 'Đerdan', dok je MZ Mravički kandidirala adaptaciju kancelarije MZ i sale za sastanke.

Dan Turske

Ambasador Republike Turske u BiH Vefahan Ocak, načelnik općine Kaknje Mensur Jašarspahić i komandant turske vojne misije u BiH, brigadir Ibrahim Šahinol, podizanjem državnih zastava Turske i Bosne i Hercegovine sa ploče na sahat-kuli, svečano su predali na upotrebu ovaj objekat građanima Kaknje. Sahat kula je visoka 17 metara, a njena izgradnja je finansirana od strane Republike Turske i općine Kaknje. Ukupno je koštala 126 hiljada KM.



Radove na izgradnji izvodila je građevinska firma iz Goražda Kaja Company. Svečanost je organizirana pod nazivom „Dan Turske u Kaknju“, a povodom praznika Republike Turske, Dana pobjede, koji se obilježava 30. augusta.

Počinje nastava u ZDK

Nastava u 62 osnovne i 34 srednje škole na području Zeničko-dobojskog kantona u školskoj 2010/11. trebala bi startati 6. septembra. Prema Nastavnom kalendaru, prvo polugodište za škole koje rade po nastavnom planu i programu na bosanskom jeziku, trajat će do 31. decembra. Drugo polugodište je planirano da krene 24. januara i da traje do 10. juna naredne godine. Za škole koje rade po nastav-



nom planu na hrvatskom jeziku kraj prvog polugodišta je 24. decembra, a drugo će trajati od 17. januara do 17. juna 2011. godine.

Otvoreno pismo UPODP Zenica

Sloboda kretanja paraplegičara i oboljelih od dječje paralize u gradskom području Zenice je veoma ograničena, tvrde iz zeničkog Udruženja paraplegičara i oboljelih od dječje paralize. Oni su uputili otvoreno pismo Službi za komunalne djelatnosti i ekologiju općine Zenica, u kojem traže da "učine grad sigurnim za samostalno kretanje



osoba sa invaliditetom". "Zenicom vladaju psi latalice. Nema opravdanja za to. Zakon je predviđao brojne mogućnosti, od eutanazije do udomljavanja, ili obrnutog. U ovoj godini se desilo više od 500 napada pasa latalica na stanovnike Zenice, a među napadnutima je značajan broj naših članova", stoji u ovom otvorenom pismu.

Obrazovanje Roma

U Zavidovićima je, u organizaciji udruženja „Srce istine“ i „Udruženja žena Romkinja“, održan Okrugli sto na temu „Realno pravo romske djece i omladine u redovnom obrazovnom sistemu“. Ovom prilikom je prezentovan projekat koji uključuje obrazovanje Roma i njihovu integraciju u društvu, a poziv su se odazvali predstavnici nevladinih organizacija, udruženja građana, političkih partija i policijske Uprave Zavidovići, te predstavnici udruženja „Budi moj prijatelj“ Sarajevo. Sa skupa su upućeni mnogobrojni zaključci prema organima



lokalne vlasti. Između ostalog, posebno je naglašeno rješavanje upisa djece u prve razrede škole. Učesnici skupa su individualno ponudili pomoći i u rješavanju dijela problema Roma u oblasti obrazovanja, a pomoći su ponudili i predstavnici policije, dogovorivši sastanke na temu sprečavanja prosaćanja.

Protesti mještana Pečuja

Grupa od 20-ak mještana zeničkog prigradskog naselja Pečuj, koji su uslijed aktiviranja kližišta u maju 2004. ostali bez svojih kuća, održali su mirni protest ispred zgrade Općine Zenica.



Oni traže izvršenje presude Kantonalnog suda Zenica, koja se odnosi na stambeno zbrinjavanje i naknadu materijalne štete za 23 porodice koje su tada ostale bez krovova nad glavom. Najavili su svakodnevne proteste pred općinom, te da će ukoliko se u narednim danima ništa ne promijeni, razapeti šatore i započeti štrajk glađu. „Unatoč trima presudama sa sudova, općina Zenica nam još ništa nije

isplatila, pa bih zato pozvao kantonalnog i federalnog premijera da nam pomognu i da se uključe u rješavanje našeg problema“, kaže Salih Šehić, mještanin Pečuja. Presudama svih nivoa sudova, Općinskog, Kantonalnog i Vrhovnog suda Federacije BiH, zenička općina je obvezana da na ime naknade štete, tužiteljima isplati ukupno 1,7 miliona maraka sa zakonskom zateznom kamatom.

Industrijska zona "Polja"

Potpisani su ugovori između Federalnog ministarstva razvoja, poduzetništva i obrta i 35 općina iz Federacije BiH kojima su odobrena sredstva za izgradnju preduzetničkih zona u FBiH za 2010. godinu, među kojima je i Općina Žepče. „Izgradnja institucijske preduzetničke infrastrukture je jedan od jako važnih preduslova za rast i razvoj MSP u općinama koja, adekvatno razvijena, može doprinjeti razvoju prijedre lokalne zajednice kao i poboljšanje životnog standarda u BiH i FBiH“, rekao je ministar Kunić. Ukupna sredstva (2005 – 2010. godina) izdvojena za razvoj preduzetničke infrastruk-



ture u Federaciji BiH iznose 9.170.000 KM, a po Odluci Vlade Federacije BiH o usvajanju programa utroška dijela sredstava „Transfer za poticaj razvoja poduzetništva i obrta“ i raspisanog javnog konkursa Federalnog ministarstva razvoja, poduzetništva i obrta, za razvoj poduzetničkih zona u 2010. godini izdvojeno je 3.000.000,00 KM.

Izgradnja pothodnika

Jedan od najvažnijih projekata, kada je u pitanju infrstrukturna na užem gradskom području Zavidovića, jeste izgradnja pothodnika na direktnom spajjanju ulica Maršala Tita i Stjepana Radića. Iako je bilo najavljeno još prije mjesec dana, pripremni radovi su započeli tek ovih dana. Ovaj projekat Općine Zavidovići i Federalnog Ministarstva za promet i komunikacije, vrijedan oko pola miliona KM, ima za cilj bezbjedan prelaz građana preko željezničke saobraćajnice. Na dijelu poznatom kao „rampa“, dešavale su se i željezničke nesreće, a neuslovan i nesiguran prijelaz preko željezničke pruge, naročito je opasan za učenike Druge osnovne



škole, te Gimnazije Rizah Odžički i Srednje stručne škole, koje se nalaze na lijevoj obali Bosne. Rok za završetak radova je 60 dana, a u vrijeme izvođenja poslova na izgradnji pothodnika, biće na snazi poseban režim željezničkog saobraćaja. Takođe je za saobraćaj zatvoren dio ulice kod pješačkog mosta „Duga“, na dijelu puta prema autobuskoj stanici.

Foto Express Kratina

Tel/fax: 032 404 778 kratina@bih.net.ba www.digifot.ba

**NAJJEFTINIE
FOTOGRAFIJE
U GRADU !!!**

Naši poslovni objekti u Zenici:

Poslovница 1: Biznis centar Aksa

Radno vrijeme od 8 do 20 h

Nova poslovница

Poslovница 2: Maršala Tita 57

(Kameni most)

Radno vrijeme od 9 do 21 h



“AGENCIJA ZA VODNO PODRUČJE
RIJEKE SAVE” SARAJEVO



“SAVA RIVER WATERSHED AGENCY”
SARAJEVO

Cijenjeni čitaoci, od ovog broja u našem magazinu ćete biti u mogućnosti da se informirate o važnosti održivog korištenja vode, zaštiti voda i vodnih ekosistema, o mogućim načinima uštede, te o drugim temama vezanim za ovaj, za život neophodan, hemijski spoj. S obzirom da su teme iz oblasti ekologije i zaštite životne sredine već dugo prisutne i izuzetno popularne u Superinfu, vjerujemo da ćete kroz tekstove koje vam donosi Agencija za vodno područje rijeke Save pronaći interes, zadovoljstvo i mnoštvo zanimljivih i korisnih informacija.

U Bosni i Hercegovini postoji duga, gotovo stoljetna tradicija postojanja državnih organa i organizacija formiranih i zaduženih za potrebe brige o vodama. Institucionalno je sve započelo u vrijeme vladavine Austro-Ugarske monarhije na ovim prostorima, kada je započet i jedan ozbiljan razvojni proces u oblasti voda. Početkom devedesetih godina prošloga stoljeća vodoprivredu u BiH doživjela je puni zamah, kako u organizacijskom, tako i u materijalnom, kadrovskom i stručno-naučnom pogledu. Za područje Federacije BiH koje pripada Crnomorskom slivu nadležna je Agencija za vodno područje rijeke Save u Sarajevu.

Misija Agencije za vodno područje rijeke Save

Upravljanje vodama zasniva na načelima:

1. nekomercijalnosti, prema kojem voda u osnovi nije komercijalni proizvod, već naslijede koje se mora čuvati, štititi i u skladu s time postupati;
2. cijelovitosti, koje uzima u obzir prirodne procese i dinamiku voda, te međusobnu povezanost i međuzavisnost vodnih i uz vodu vezanih ekosistema;
3. dugoročne zaštite kvaliteta i racionalne upotrebe raspoloživih količina vode;
4. osiguranje zaštite od štetnog djelovanja voda koje proizilazi iz potrebe za zaštitu stanovništva i njihove imovine, uzimajući u obzir djelovanje prirodnih procesa;
5. ekonomsko vrednovanje voda koje uključuje troškove opterećenja, zaštite i uređenja voda i zaštite od štetnog djelovanja voda;
6. učešća javnosti kod donošenja planova upravljanja vodama;
7. uzimanje u obzir najboljih raspoloživih tehnologija i novih naučnih dostignuća o prirodnim zakonitostima i najboljih okolišnih praksi.

Agencija za vode na području na kojem je nadležna, između ostalog, obavlja i slijedeće poslove:

- organizira, prikuplja i vrši distribuciju podataka o vodnim resursima,
- organizira hidrološki monitoring i monitoring kvaliteta voda, monitoring ekološkog stanja površinskih voda, priprema izvještaj o stanju voda i predlaže potrebne mjere;
- priprema plan upravljanja vodama,
- priprema planove za sprečavanje i smanjenje štetnih uticaja,
- upravlja javnim vodnim dobrom,
- preduzima hitne mjere na sprečavanju ili smanjenju štetnih uticaja,
- izdaje vodne akte,
- daje stručna mišljenja,
- daje stručna mišljenja sa stanovišta voda,
- učestvuje u pripremi politike sektora voda
- promovira istraživački rad
- organizira podizanje javne svijesti vezane za održivo korištenje voda, zaštitu voda i zaštitu vodnih ekosistema.



Rasprostranjenost vode

Ukupne količine vode na Zemlji procjenjuju se na iznos od oko 1,36 milijardi km kubnih, što je na prvi pogled impozantna količina vode.

Međutim, sama činjenica da se oko 97% te vode nalazi u slanim morima i okeanima (koja se može koristiti samo za određene i ograničene svrhe), mijenja sliku o upotreboj vrijednosti raspoložive količine vode. To, dalje, znači da samo oko 37,55 miliona km kubnih ili 2,78% otpada na slatke vode.

Ako se, zatim, ima u vidu da se oko 77,8% ili 29,2 miliona km kubnih slatkovodnih resursa nalazi u obliku ledenjaka i glečera, a 4,17 miliona km kubnih ili 11,1% dubokih i obično za korištenje nepristupačnih voda, onda proizilazi zaključak da je čovječanstvu na raspolaganju samo oko 4,3 miliona km kubnih ili 11,4% upotrebljive od ukupno raspoložive slatkovodne vode, odnosno samo 0,3% od ukupnih količina vode na Zemlji.

Osnovno o vodama

Od početka razvoja čovječanstva, voda kao osnovna životna potreba bila je i ostala izvorom stalnih preokupacija čovjeka. Gotovo ista ili slična pitanja i problemi iz prošlosti preovlađuju i danas. Koliko ima vode? Odakle voda dolazi? Kuda ide? Šta je kvalitet vode i kako ga mi možemo kontrolisati? Šta trebamo uraditi kada imamo previše ili premalo vode?

Danas mi pripadamo generacijama koje još u najranijoj mladosti stiču prva saznanja, kao i osjećaj kretanja i lokacije vode. Okeani su jasno prepoznati kao najveći izvori vode. Padavine nas uvejek asociraju na vodne tokove kao i klimatske i meteorološke fenomene. Gubici vode putem isparavanja i infiltracije nisu više apstraktni koncepti, a došlo se i do saznanja o postojanju fizičkog zakona kruženja vode u prirodi, u struci poznatom kao HIDROLOŠKI CIKLUS.



Nekoliko činjenica koje će nas podsjetiti na važnost vode:

Organizam odrasle osobe sadrži oko 50 kg vode. Već pri manjim gubicima javljaju se smetnje, a gubitak od 15% ukupnog sadržaja vode izaziva smrt. Zanimljivo je spomenuti da čovjek može živjeti bez hrane sedmicama, čak i mjesecima, dok bez vode vrlo brzo umire. Voda je osnova života, a blagodati zdrave i pitke vode u kojoj uživamo mnogi uzimaju zdravo za gotovo. Razmislite malo o crnim prognozama koje tvrde da će se sljedeći veliki ratovi voditi upravo radi vode! Voda je istinski najveće bogatstvo koje nam priroda pruža.

Co. Farmus Co

d.o.o. Sarajevo

Ovlašteni distributer fiskalnih sistema

**Periferni (dodatajni) uređaji za fiskalne kase,
za potpun i učinkovit fiskalni sustav!**



commerce kalnih kasa



DP 50

Mobilni fiskalni uređaj, idealan za sve poslovne sustave koji trebaju kvalitet i funkcionalnost uz minimalnu zauzetost prostora, poput kioska, štandova, butika, vozila javnog prevoza i slično.



DP 55

Moderno dizajniran fiskalni uređaj, funkcionalno potpuno prilagođen potrebama poslovnih sustava koji posluju sa većim brojem artikala i dnevnih prodaja i namjeravaju da se razvijaju, poput marketa, butika, ugostiteljskih objekata i slično.



DP 500

Izuzetno napredan i visoko kvalitetan i funkcionalan uređaj, idealan za veće poslovne sustave koji imaju veliki broj dnevnih prodaja, artikala i zaposlenih operatera, poput velikih marketa, butika, restorana, noćnih klubova i slično.



FP 260

Vrhunski fiskalni printeri maksimalne pouzdanosti i brzine, razvijeni tako da se prilagođavaju potrebama svakog korisnika ponaosob. Idealni su za sve poslovne sustave u kojima se već koristi neka softverska aplikacija, jer se vrlo jednostavno povezuju sa svim tipovima računala i softvera.

FP 550H

Ribolovna prava

U Ministarstvu za poljoprivredu, šumarstvo i vodoprivredu Zeničko-dobojskog kantona, upriličeno je svečano potpisivanje Ugovora o ustupanju ribolovnog prava za Ribolovne zone Zavidovići, Maglaj i Žepče. Kada je u pitanju zavidovička općina, Sporazum je potpisani između pomenutog ministarstva i Udruženja građana sportskih ribolovaca "Krivaja" Zavidovići, čime je ovo udruženje dobilo koncesiju na korištenje ribolovnog prava u periodu od 10 godina. Nakon drugostepenog po-



stupka kod nadležnog Ministarstva za poljoprivredu, šumarstvo i vodoprivredu Federacije BiH, stvoreni su uvjeti za potpisivanje pomenutog ugovora, kojem je prethodio konkurs o ustupanju ribolovnog prava. Po istom postupku, ugovore su potpisala i udruženja "Bosna" Maglaj i "Bosna" Žepče.

Slikar Mirza

U visočkoj Galeriji „Likum 76“ nedavno je otvorena samostalna izložba „Simbol vremena“, akademskog slikara Mirze Mameledžije. Ovaj mladi autor posvetio je izložbu žrtvama genocida u Srebrenici. Svojim djelima dao je potpuno drugu dimenziju 11. julu, istakao je promotor Dženan Medanović. Poznavatelji rada mladog autora istakli su da izložba predstavlja „pravo čudo“. „Pratio sam Mirzin put i kao studenta i poslije, ali, ipak, nisam bio svjestan ovolike njegove veličine i kvalitete“, kazao je prof. dr. Ibrahim Krzović.



Kantonalni zavod
za javno zdravstvo Zenica

Tokom ljeta, kada je vrijeme toplijе i ljudi uglavnom jedu vani jer su na putovanjima, izletima ili kampovanju, povećava se rizik od bolesti čiji je uzrok/put prenosa hrana. Pojedine namirnice predstavljaju veći rizik za trovanje hranom pa je pri njihovom čuvanju i pripremi potreban veći oprez. Trovanje piletinom ili jajima, odnosno hranom koja je pripremljena sa ovim sastojcima je najčešće. Najvažniji način sprečavanja navedenog trovanja je dovoljna termička obrada, te izbjegavanje pripreme vrsta hrane u čijoj recepturi se jaja nedovoljno termički obrađuju. Meso, posebno piletina, mogu biti kontaminirani patogenim mikroorganizmima, te je veoma važna njihova pravilna termička obrada. Posebno treba obratiti pažnju na namirnice kao što su salama i slični suhomesnati proizvodi, zatim na mlijeko i mliječne proizvodi; sladoled koji nije iz industrijske proizvodnje; šlag-pjena i svi proizvodi u kojima ima šлага, svi kremasti kolači; sva hrana koja u svom sastavu ima jaja; majoneza pripremljena u domaćoj proizvodnji; sva hrana sa sosovima; sve vrste hrane pripremljene od mljevenog mesa.

Preporuke za čuvanje i pripremu hrane:

1. ČISTOĆA: redovno prati ruke, posuđe i radne površine.

- Održavanje mjera lične higijene. Prati ruke topлом vodom i sapunom najmanje 20 sekundi prije nego što dođete u kontakt sa hranom
- Održavati čistoću svih radnih površina, pribora i posuđa koji se koriste tokom pripreme hrane
- U posebnim slučajevima, kada je potrebna i dezinfekcija važan je odabir sredstva dezinfekcije (efikasnost, neagresivnost za kožu) i precizno pridržavanje rasporeda i plana dezinfekcije.
- Oprezno odlaganje otpada i njegova redovna otprema važna je za izbjegavanje

Old timer klub "Fojnica"

Kako nam je kazao jedan od inicijatora osnivanja Nevenko Karačić Ero, klub je osnovan prošle godine, a nedavno je i registriran. „Nas nekoliko entuzijasta smo pokrenuli inicijativu za osnivanje ovakvog jednog kluba, jer to Fojnici kao poznatoj turističkoj destinaciji zaista treba. Veliki je interes za naš klub, a među članovima imamo čak i djece. Upravni odbor kluba broji deset članova, a za predsjednika smo nedavno izabrali Radeta Babića“, ističe Karačić. Prošle godine su



pod pokroviteljstvom Turističke agencije "Vrankamen" iz Fojnice organizirali prvi Old timer fest u Fojnici, a 4 i 5 septembra, po drugi put organizuju ovu manifestaciju, na kojoj predviđaju 70-ak učesnika, što sa automobilima, što sa motorima, među kojima će biti nekoliko učesnika i iz drugih zemalja.

Radijska emisija

Internet portal Biznis-monitor.ba, nakon četiri godine postojanja pokrenuo je radijsku emisiju "Privredni vjesnik" na Radio Zenitu, koja će slušaocima prenijeti informacije iz oblasti privrede, prije svega sa područja Zeničko-dobojskog kantona, ali i iz drugih krajeva BiH. Ova emisija se emitira ponedeljkom od 9 sati. Pre-



ma riječima Adema Mecavice, urednika portala Biznis-monitor, namjera je bila napraviti 15-minutnu emisiju, koja će slušaocima na početku sedmice ponuditi najnovije informacije iz privrede, obraditi aktuelne događaje i teme, a privrednicima pružiti priliku da ukažu na probleme sa kojima se suočavaju.

príprema i čuvanje hrane

- nakupljanja nametnika, a otpad se ne smije skupljati u blizini hrane.
- Kada jedete van kuće, potražite izvor tekuće (sigurne) vode za piće ili ponesite vodu za pripremanje i čišćenje.
- Za spremanje ostataka hrane koristite isključivo čiste plastične vrećice ili čiste posude s poklopcom.
- Sveže voće i povrće se uвijek mora oprati čistom vodom.

2. ODVAJANJE KUHANE HRANE OD SIROVE: unakrsna kontaminacija

Odvojite sirovo meso, piletinu i plodove mora od ostale hrane. Čuvajte hrana u posuda-ma kako biste izbjegli međusobni dodir sirovih i termički obrađenih namirnica.

3. KUHANJE: kuhati na odgovarajućim temperaturama

Stručnjaci za sigurnost hrane saglasni su s tim da je hrana sigurno kuhana kada je griljana dovoljno dugo i na dovoljno visokim temperaturama kako bi se uništile sve štetne bakterije koje mogu uzrokovati trovanje hranom.

4. ČUVAJTE HRANU PRI SIGURNIM TEMPERATURAMA

Čuvanje na neodgovarajućim temperaturama jedan je od glavnih razloga za pojavu bolesti uzrokovanih trovanjem hranom. Čuvajte hrana na hladnom. Hrana ne bi smjela stajati duže od jednog sata na temperaturi iznad 32°C bez hlađenja. U frižideru se mogu čuvati namirnice nekoliko dana, a za duže čuvanje koristiti zamrzivač, a prije stavljanja namirnica u frižider ili zamrzivač, treba ohladiti prethodno kuhani hranu. Ne odmrzavajte smrznutu hranu na sobnoj temperaturi, a jednom odmrznutu hranu ne vraćati ponovo u zamrzivač. Obavezno odvojite sirovo meso i lako kvarljivu hranu od gotove hrane, te ne ostavljajte hranu spremnu za jelo u posude u kojima se držala sirova hrana prije nego što se posude dobro operu i osuše.

Uspjeh ekipе PODP Zenica

Već sedam godina paraplegičari i oboljeli od dječje paralize (PODP) Zenice i ZDK su nepobjedivi u atletskom višeboju i šahu. Na netom održanom 2. međukantonalm takmičenju PODP u Livnu, ekipа PODP ZDK je osvojila prva mjesta u atletskom višeboju za muške, ukupnom plasmanu i u šahu.



Ovu ekipu su činili takmičari iz Zenice, Zavidovića, Vareša i Dobo-Juga.

Radovi u Starom Radakovу

U zeničkoj Mjesnoj zajednici Staro Radakovo, koja ima oko 10.000 stanovnika, u posljednje vrijeme je realizovano nekoliko projekata koji će poboljšati uslove za život mještana. Općina Zenica u posljednje dvije godine u ovu MZ uložila je 240.000 maraka, koji su bili namjenjeni za rekonstrukciju vodovoda, rekonstrukciju puta, te postavljanje javne rasvjete. "Svaki građanin na području svoje mjesne zajednice treba dati doprinos i podršku



realizaciji projekata. Općina Zenica u zadnjih pet godina zaista želi i pomaže svojim građanima. Trenutno je u toku realizacija izgradnje betonskog mosta u Talamima, te dio puta koji veže Talame i Nove Talamе. Isto tako, u ulici Prve zeničke brigade i Marijanovića put te u ulici Ilirski put, okončana je rekonstrukcija puta i javne rasvjete", kaže predsjednik MZ Enver Kralić, koji je svakako dao veliki doprinos da se promijeni izgled Starog Radakova.

Visočko ciglarstvo

Nedavno je Gradska biblioteka Visoko objavila fotomonografiju „Stoljeće visočkog ciglarstva”, čiji je autor sarajevski publicist Raif Čehajić. Na stotinjak stranica, slikom i riječju prikazan je nastanak i razvoj jedne od najznačajnijih industrijskih grana u Visokom – ciglarstva, koje je i danas po visini bruto-društvenog proizvoda među vodećim u ovoj općini. U monografiji je detaljno dat pregled



pojave ciglarstva u Bosni i Hercegovini, od 1879. godine kada u Sarajevu poduzetnik August Braun podiže prvu ciglanu, a potom se 1907. godine otvara i prva u Visokom, pa sve do današnje moderne fabrike sa godišnjom produkcijom većom od 120 miliona opeka normalnog formata. Kako najavljuje izdavač, promocija monografije će se održati u oktobru ove godine.

Bosanci na Alpama

Trojica Bosanaca u ekspediciji koju je organizovao Planinarski klub "Pobeda" iz Beograda, nedavno su osvojili neke od najviših i najtežih vrhova Alpa. Radi se o zanimljivim poduhvatima, koji imaju itekako veliku vrijednost kada je u pitanju alpinizam u našoj zemlji. Zeničanin Feđa Vilić, Miralem Husanović



Muri iz Banovića te Zavidovičanin Jasmin Bećić krenuli su put Austrije i Švajcarske, gdje su uspjeli osvojiti, odnosno ispenjati Breithorn i Monte Rosu - Dufourspitze. Vođe ekspedicije su bili Zoran Stepanović i Vladislav Matković, a u njoj su bili planinari i alpinisti sa prostora bivše Jugoslavije.

MULTIPLEX EKRAN ZENICA

**"DOĐITE U MULTIPLEX EKRAN ZENICA
MJESTO ZABAVE ZA CIJELU PORODICU"**

Španski proizvođač predstavio novu opremu Jomini manekeni Pranjković, Adilović i Šafradin

Grand MS iz Viteza, zastupnik Jome, španskog proizvođača sportske opreme, organizovala je promociju nove kolekcije za proljeće-ljeto 2011. godine u Hotelu Vitez. Jomini manekeni postali su nogometni



Dario Pranjković iz Travnika, Eldin Adilović iz Čelika i Damir Šafradin iz Ecos Viteza, klubova koje inače Joma i oblači za njihove službene nastupe. "Danas smo prezentovali kolekciju Joma za proljeće-ljeto 2011. godinu. Ujedno smo iskoristili ovu priliku da potpišemo ugovore sa igračima iz NK Travnik, Čelika i Viteza koji će narednu godinu dana biti manekeni Jome. Takođe smo obnovili ugovore sa NK Travnik i NK Čelik za ovu godinu gdje ćemo u suradnji sa firmom Joma i Grand MS sponzorirati ove klu-

bove. Imali smo zaista odličan odziv jer su nam došli svi partneri iz cijele BiH i pohvalno su se izrazili o kolekciji i na nama je da to odradimo kvalitetno", kazao je Ivica Zvonar, predstavnik za prodaju GMS Vitez. Promociji u Vitezu jučer su prisustvovali Mirsad Čizmo, predsjednik Čelika, Abdulah Ibraković, šef stručnog štaba zeničkog premijerligaša, Midhat Sarajčić, direktor Travnika i Enes Mešanović, bivši reprezentativac BiH koji je sada direktor Škole nogometne "Bambi" iz Tuzle.

ROPUŠT IZ SNOVA...

1.-30.9.2010.

-12% na cijeli assortiman **GRIJANJA**

Economic®

vaš pravni partner... www.economic.ba 00387 30 718 333

Pripreme

Nakon desetak uvodnih treninga koje su obavili na terenima Fudbalskog kluba Mladost u Doboju, košarkaši Kaknja otišli su na bazične pripreme, koje će, kao i prethodnih sezona, obaviti na Ponijerima. Trener Irfan Hasagić zadovoljan je dosadašnjim radom igrača, koji su pokazali jedan profesionalni odnos. "Posebno me raduje što je Uprava kluba uspjela



zadržati sve igrače koji su trijumfalno osvojili prvo mjesto u A-1 ligi, te angažirala kvalitetna pojačanja sa prvoligaškim iskustvom, koja će osvježiti redove i pojačati konkurenčiju na svim pozicijama", istakao je Hasagić.

Uspjeh Žepčaka u ribolovu

Općina Žepče bila je domaćin državnog natjecanja u sportskom ribolovu koje je održano na rijeci Bosni. Na natjecanju u okviru Premijer lige BiH za kategorije U-14, U-18



I U22 je sudjelovalo 38 natjecatelja iz deset klubova koji su mesta na državnom prvenstvu osigurali kroz natjecanje u Federaciji BiH i Republici Srpskoj. Domaćin druženja bilo je Sportsko ribolovno društvo "Bosna" Žepče koje je nastupilo s četiri natjecatelja. U ulozi domaćina bio je općinski načelnik Mato Zovko kojem je pripala čast da i

službeno otvoriti državno prvenstvo u sportskom ribolovu. Tijekom natjecanja izlovljeno je više od 160 kilograma ribe koja je ponovno vraćena u rijeku Bosnu. Na ovogodišnjem državnom prvenstvu domaćin ekipa SRD Bosna Žepče ukupno se okitila sa četiri medalje, jednom bronzom, dvije srebrne i jednom zlatom.

Kengur kup 2010

Košarkaši zeničkog Čelika u juniorskoj, Kengura u pionirskoj, Konjic Metalogradnje Mustafić u kadetskoj, te sarajevskog Željezničara u kategoriji juniorki, pobjednici su 12. međunarodnog košarkaškog turnira "Kengur kup 2010", koji je održan proteklog vikenda u Zenici. Na ovom turniru za mlade, koji je postao prepoznatljiv po svom kvalitetu, ali i masovnosti, ove godine je učestvovalo 450 dječaka i djevojčica iz 34 kluba iz pet zemalja – Slovenije, Hrvatske,



Mađarske, Srbije i Bosne i Hercegovine. Odigrano je 57 utakmica u pet dvorana, a finalni dio se igrao u Gradskoj areni u Zenici.

Prodajem

kompletan pčelinjak, pogodan za mlade pčelare.

Moguć je uvid svaki dan uz najavu.

Cijena po dogovoru.

Tel: 062 289 793 i 032 401 191

Superinfo na pripremama KŽK Čelika na Vlašiću

Košarkašice Čelika odradile su sedmodnevne bazične pripreme na planini Vlašić. Radilo se naporan, međutim svih 16 djevojaka je uspjelo to izdržati, i što je najbitnije povreda nema. Ekipa Superinfa posjetila ih je i zabilježila kakva je atmosfera u ekipi koja će biti jedini bh predstavnik u IWBL - Regionalnoj ligi. Sa ekipom ove sezone rade šef struke Mensura Andelija i njen pomoćnik Eldar Durmić, te kondicioni trener Arnel Kalušić, nekadašnji svjetski prvak u karateu i jedan od najboljih bh sportaša u posljednjoj deceniji i njegov asistent Damir Pripoljac. Zanimljivo je da je Čelik napravio kvalitetnu selekciju koja bi trebala igrati zajedno cijelu sezonu. Od igračica tu su: Aldijana Iriškić, Amra Mehmedić, Yasmine Dixon,



Nataša Anđelić, Žaklina Stojanovska, Merima Selimspahić, Danira Mušić, Olja Stupar, Alma Kovačević, Sedina Halimić, Aida Pilav i Vladinka Erak, a sa njima na pripremama na Vlašiću bile su četiri talentovane košarkašice starosti 15-16 godina:

Emina Bajgorić, Nejra Solo, Berina Alić i Sedina Pašić. Arnel Kalušić, 31-godišnji nekadašnji svjetski prvak u karateu vrlo je uspješan u svom radu kao trener fizičke pripreme i održavanju kondicije. Svi odreda hvale njegov angažman u

KŽK Čelik. „Meni predstavlja čast što me Mensura pozvala da pomognem ekipi. Sad u vrhunskom sportu kondiciona priprema je vrlo bitan faktor, u nekim momentima možda i presudan za samu igru na terenu. Što se tiče ekipе, tu sam naišao na jedan normalan korektan odnos same Uprave. Vrlo je bitno da smo na planini obavili taj bazični dio ovdje. Moje lično mišljenje je da je ekipa što se tiče fizičke pripreme na pravom putu da dođemo na jedan vrhunski nivo, da se mogu zadovoljiti ti fizički standardi za tu ligu“, objašnjava Arnel.



Memorijalni turnir "Amna Fazlić"

U znak sjećanja na Amnu Fazlić (4.juni 1992. - 29.mart 2010.), jedne od najtalentovanijih bh.košarkašica koja je tragično preminula krajem marta u Zenici, KŽK Čelik organizovat će sredinom septembra Memorijalni turnir na kojem će nastupiti ekipa iz tri zemlje. Turnir će se igrati u Gradskoj areni u Zenici 18. i 19. septembra, a osim ekipa domaćina trebali bi nastupiti zagrebački Medveščak, Hemofarm iz Vršca, te tuzlansko Jedinstvo. Amna Fazlić juniorska reprezentativka BiH u prvi tim Čelika ušla je sa nepunih 14 godina. Sa svim omladinskim selekcijama kluba osvajala je najsjajnija odličja na državnim prvenstvima. Igrala je na dva kadetska i jednom na juniorskom prvenstvu Starog kontinenta. Bila je proglašena za najbolju juniorku na izboru sportiste općine Zenica za 2009. godinu.



FOTO ZUNIC

TC ĐZANANOVIĆ
TEL. 032/246-180
ZUNICZENICA@BIH.NET.BA

WWW.FOTOZUNIC.COM

**SVAKE NEDELJE
AKCIJA**

FOTOGRAFIJE 10x15 cm

* Sa svih vrsta digitalnih media

samo 0.20 KM



Teferič u Prokosu

Više od 60 godina se u fojničkoj MZ Prokos održava tradicionalni narodni teferič, koji se proslavlja u znak formiranja Visočko-Fojničkog odreda narodnooslobodilačkog rata u Drugom svjetskom ratu. Od tada pa sve do danas se nije

guje ta tradicija narodnog teferiča, koji se u početku održavao u naselju Barakovići, da bi pedesetih godina prošlog stoljeća, taj teferič bio premješten u naselje Tovarište, podno Prokoškog jezera. Tako se i ove godine, početkom osmog mjeseca, po veoma lijepom vremenu, na istom mjestu okupilo



nekoliko hiljada učesnika iz fojničke i drugih okolnih općina. Jedan od njih je i 75-godišnji Bešir Bašić, koji je penziju stekao radeći kao direktor i učitelj u OŠ "Muhsin Rizvić" u naselju Obojak, dok je među teferičljima bio i načelnik općine Fojnica Salkan Merdžanić sa suprugom, koji potiče upravo iz ovoj kraja.

Miholjsko ljetno 2010

Održana je kulturna manifestacija „Dani Miholjskog ljeta“ koja se punih trinaest godina održava krajem mjeseca avgusta u mjestu Brankovići kod Žepča. Zasluga ide članovima Hrvatskog kulturno-umjetničkog društva „Ognjišta“ Lug Brankovići koji su rado viđeni na brojnim kulturnim manifestacijama koje se održavaju u BiH i izvan njenih okvira. Radi se o najstarijem hrvatskom kulturno-umjetničkom društvu koje broji preko 100 članova. Zahvaljujući ljubavi prema izvornoj baštini nastala je ovdašnja domaća manifestacija „Dani Miholjskog ljeta“ koja za cilj ima očuvanje



nje hrvatskih običaja i tradicije Hrvata žepačkog kraja, ali i čitave BiH. Tokom trinaest godina stanovnici općine Žepče upoznali su se sa bogatom baštinom Hrvata BiH i Hrvatske, ali i stekli brojne prijatelje. Tako je bilo i ove godine, a brojka sudionika povećala se za nekoliko novih društava.

Francuzi na Prokoškom

Fojnica već nekoliko godina ostvaruje dobru saradnju sa Francuskom pokrajinom Auvergne, pa su tako i članovi menadžmenta RR Centra Fojnica u nekoliko navrata boravili kao njihovi gosti u Francuskoj. Proteklih dana je došlo vrijeme da im na najbolji način uzvrate za gostoprимstvo, pa je tako ekipa od šest profesora i 22 učenika Srednje škole Chamalier, koja se nalazi u blizini čuvenog banjskog liječilišta Vichy u



Francuskoj, boravila u petodnevnoj posjeti Fojnici. Već prvog dana su posjetili Prokoško jezero i bili oduševljeni viđenim, a tokom svog boravka u našoj zemlji, bili su i u Sarajevu, Travniku i Mostaru.

WWW.BOP.BA
**UDŽBENICI DOLAZE
NA VAŠU ADRESU**

Za narudžbe od 30 i više KM **besplatna** dostava za grad Zenicu

Za naručbe od 30 i
više KM **besplatna**
dostava za grad Zenicu



A crossword puzzle grid with numbered entries. The grid has 15 numbered rows and 10 numbered columns. Some squares are blacked out. A photo of a smiling man is placed over the grid, covering approximately the top right quadrant. The numbered entries are as follows:

- Row 1: 1 (green), blank, 2, 3, 4, 5
- Row 2: blank, 6
- Row 3: 7, 8
- Row 4: 9, blank, 10
- Row 5: 11, blank, 12
- Row 6: 13, blank, blank, 14
- Row 7: 15, blank, 16, blank, blank, 17, 18, blank, 19, 20
- Row 8: 21, blank, blank, blank, 22, blank, blank, 23
- Row 9: 24, blank, 25, 26
- Row 10: 27, blank, 28, blank, blank, 29, blank, 30
- Row 11: blank, 31, blank, blank, 32, blank, blank, blank, blacked out
- Row 12: 33, 34, blank, blank, blank, blank, 35, blank, blank, 36
- Row 13: 37, blank, blank, 38, blank, 39, blank, blank, blank
- Row 14: blank, 40, blank, 41, blank, 42, blank, blank, blank
- Row 15: 43, blank, blank, blank, blank, blank, blank, 44, blank

Vodoravno: 1. Trening, vježbanje; 6. Zrnasti snijeg, pogodan za skijanje; 7. Želja za hranom, tek; 9. Potvrđna riječ; 10. Akademija nauka i umjetnosti; 11. Otvoren, iskreno misli i govori; 13. Machine Interface Layer, skr.; 14. Pokazna zamjenica; 15. Žena koja govori iječavskim dijalektom; 19. Upišite: KU; 21. Grobna jama; 22. Muzički pravac, umjetnički rok; 24. Hem. element cink; 25. Brus u obliku točka; 27. Roba za prodaju, ar.; 29. Ukras, kićenje; 31. Onaj koji uvodi inovacije; 33. Tursko jelo od riže i mesa; 35. Unatoč, uprkos; 37. Svečana pjesma; 38. Natpis na robi; 40. Vrsta plina; 42. Nacija; 43. Sušara, fr.; 44. Vrsta papige.

Uspravno: 1. Ime i prezime ličnosti sa slike; 2. External Factor Evaluation, skr.; 3. Trgovac žitom; 4. Djevojka smeđe kose; 5. Mjesto blizu Osijeka; 8. Kartaška igra; 12. Mjesto blizu Neuma; 16. Vrsta mača; 17. Vrsta indonežanskog plesa; 18. Kraljica sportova; 19. Uputna zamjenica; 20. Disciplinska mjera; 23. Vrsta muzičkog djela; 26. Blaga kazna; 28. Dirati pipanjem; 30. Dobar govornik; 32. Međunarodna jedinica za snagu; 34. Običaj, navika, ar.; 36. Dio kupatila; 39. Hrvatska naftna kompanija; 41. Lavež psa; 43. Autooznaka Španije.

Rješenja iz prošlog broja: nejak, uzorak, r, tera, apatit, il, era, mužjak, asb, notoran, m, ulomak, ma, opna, brodar, vo, smetljar, izbor, anvar, čir, kanon, i, tarok, silk, pišta, sitniš, svirala, ana.

IMPRESSUM: Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat). Tel. 061 788 088, 063 992 100, 063 992 101, 063 992 102; www.superinfo.ba; superinfo@superinfo.ba; Reg.br. 043-0-Reg-06-002101, Matični broj 1-9625; PDV broj: 218552430000; Direktor *Fedja Jovanović*, finansije *Zumreta Tufekčić*, urednik izdanja *Ibrahim Muratović*, redakcija: *Fikret Hadžiavdić*, *Emina Smajlagić*; tehnički urednik *Selver Omerović*; Tiraž izdanja: 20.000 primjeraka; Štamparija Unioninvestplastika d.d. Semizovac bb, Reg. br. 1-17984

Turistička zajednica ZDK i Superinfo su za vas izabrali mesta na kojima ćete u ljetnim danima sigurno uživati, ukoliko ih posjetite. Ovog puta vodimo vas u Olovo, gdje predstavljamo najzanimljivije lokalitete, izletišta i prirodna bogatstva koja posjetiocu nudi ova općina.

SUPERINFO TOUR



oloVO



zeleni vir



Na 2-3 km od centra grada nalazi se prelijepo izletište Zeleni vir, na rijeci Bioštici, gdje se zelenilo bistre vode spaja sa vječnim zelenilom četinara. Između izletišta i grada su sagrađene brojne vikendice, koje se skladno uklapaju u bogati prirodni ambijent. Na području Olova, posebno na planinskim predjelima, može se naći veliki broj različitih ljekovitih trava, koje se koriste u narodnoj medicini. Predlažemo kontakt sa planinarskim društvom «Smoljin» Olovo čiji članovi predano rade na zaštiti prirodnih ljepota, a uvijek su spremni da predlože i pokažu prave destinacije.



Mamac za brojne turiste je i olovска termalna voda, koja uspješno liječi kožne bolesti i koju pohodi sve veći broj turista izvan granica Bosne i Hercegovine.

U neposrednoj blizini banje „Aquaterm“ se nalaze šumski kompleksi i šetališta, te izvori čistih planinskih rijeka. U banji „Aquaterm“ turisti tokom čitave godine mogu uživati u izvorštima sa snagom vode od 60 litara u sekundi i s konstantnom temperaturom od 36 stepeni. Zbog toga je Olovo oaza mira za stanovnike svijeta koji žele odmor u miru i potpuno tišini.

Olovo je živopisni gradić smješten 50 km sjeveroistočno od Sarajeva. Osim iz pravca Sarajeva, do Olova možete doći i iz pravca Vareša, Zavidovića i Tuzle. Svaki od ovih puteva vodi kroz živopisni planinski ambijent visoke crnogorice kroz koje protiču bistri vodotoci bezbroj planinskih vrela i potočića.



Zbog vodenih slivova koji čine rijeku Krivaju, u Olovu ne nedostaje svježine i zelenila. Planinski izvori su oplemenili ovaj kraj čistoćom vode koja je značajna dragocjenost u svijetu. Bogatstvo čistih i ljekovitih voda i gustih crnogoričnih šuma čine da cijelokupno područje Olova predstavlja unikatnu turističku vrijednost. Planinske rijeke Stupčanica i Bioštica svojim ljepotama privlače od maja do septembra veliki broj ljubitelja sportskog ribolova, kao i ostale brojne ljubitelje netaknute prirode. Olovske rijeke, bogate pastrmkom, lipljanom, mladicom, skobaljem, klenom i drugim ribljim vrstama, predstavljaju pravi raj za ribolovce.



Raj za lovce su i bogate olovske šume u čiji dubinama nailazimo na jedinstvenu raznolikost biljnog i životinjskog svijeta, te divljači poput vukova, medvjeda, lisica, kuna, tetrojeba, itd. O uzgoju i zaštiti ribljeg fonda i divljači danas se brinu Sportsko-ribolovno društvo »Orlja« i LD »Tetrijeb«. Za one koji nisu iskusni lovci ili ribolovci, a koji cijene nepatvorenu ljepotu prirode postojji bezbroj mogućnosti za rekreaciju. Prirodni dragulji poput klisure u selu Čude ili izletišta Zeleni Vir pa i Ponijeračke pećine su samo neki od dragulja ovog kraja.



Više na web stranici TZZDK: www.zedoturizam.ba

**Projekat je podržan od strane Ministarstva okoliša i turizma FBiH i
Ministarstva za prostorno uređenje, promet i komunikacije i zaštitu okoline ZDK**

obezbijedite sebi uštedu energije,
lijep i topao dom ...

**AKCIJA
- 10%**

na termoizolacioni
sistem fasade Spektra



EOTA
CERTIFIKOVAN
KVALITET

Int.Eobra
ZENICA
Ulica ZAVNOBIH-a 78a, naselje BRIST
Tel: 032/407-987, Fax: 032/449-193, GSM: 061/841-524

S. SPEKTRA®

HELIOS